



Scientia Sanctorum

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

Puente, Luis de la

Dilingæ, 1685

55. De sepultura Christi.

[urn:nbn:de:hbz:466:1-60588](https://nbn-resolving.org/urn:nbn:de:hbz:466:1-60588)

Nicodemus verò contulit *mixtum myrrha & aloës, quasi libras centum ad unguendum.* Qui se addicit Christo, ostendat id operibus: ea autem sint pura, cum mortificationis studio, & devotionis, quæ sunt aromata.

PUNCTUM III.

DEponitur è cruce manibus illorum dno-
rum, & in demendis clavis ipsi sacrum cor-
pus sustentant, devotione ac reverentia maxi-
ma, nec sine lachrymis. Deposito excipit Ma-
ter, & impletur illud: *Fasciculus myrrha dile- Cant. 1.
ctus meus mihi, inter ubera mea commorabi- 13.
tur.* Quantum illic dolorum, gemituum, la-
chrymarum? quid dictum, factumque circa
sacrosanctum spodium, tum à Matre, tum ab
alijs mulieribus, & Joanne, æstimetur ex a-
more.

MEDITATIO LV.

De Christi sepultura.

PUNCTUM PRIMUM.

Ubi satisfactum est amori, sacrum corpus
ungitur per totum, & munda sindone in-
volvitur, caput sudario: coronam spineam &
clavos chara pignora Mater sibi servat. Un-
ctio significat Christum per omnem vitam
multa mortificatione & laboribus fuisse exerci-
tum, ut corpus suum mysticum à corruptione
K 5 serva-

Unctio
corporis
Christi
quid
notat.
2. Cor. 4.
10.

servaret, in quo imitandus nobis est, ut mortificationem Jesu in corpore nostro circumferamus, quo vita ejus manifestetur in nobis. Habuit Christus in sua sepultura omnia aliena, sepulchrum & alia, in hoc etiam paupertatis præferens exemplum.

PUNCTUM II.

Funeris
divini
portatio
Comita-
tus.

Effertur ad sepulchrum prosequente Matre cum pijs mulieribus, sicut vidua apud Naim civitatem, quam solatus est Dominus, resuscitato filio: sed oportebat Mariæ filium manere in corde terræ tribus diebus ac noctibus. Comitabantur funus etiam *Angeli pacis, amarè flentes*, ut hinc etiam sepulchrum ejus redderetur gloriosum.

PUNCTUM III.

Sepul-
chri qua-
litates.

1.

2.

3.

4.

Quale fuerit sepulchrum. 1. in horto, ut sicut primus Adam in horto peccavit, & mortem incurrit, ita secundus, qui morte suâ sustulit peccatum, in horto mortuus locaretur. 2. fuit novum, quia novus Adam, & sicut veniens, elegit uterum virginalem, ita decedens simile sepulchrum. 3. excisum erat in petra inferni, quia sepeliebatur in illo vera petra multis idibus dolata. 4. Infertur in specum splendor gloriæ, ut nos à tenebris eruamur.

Præpa-
ratio ad
S. Com-
munionem.

Applica ad sacram communionem: Nam illius consecratio exhibet Christum passum, & pro nobis mortuum: sindone specierum involvitur:

vitur : conditur in nobis, qui ideo esse debemus instar horti amœni & sepulchri novi, à fœtoribus immunis, & excisi in petrâ, per tolerantiam mortificationum, & laborum. Et juxta montem Calvariæ positi per assiduam Crucifixi memoriam. Tunc ad nos Christus libenter veniet per sacram Communionem. Apponitur autem lapis ad ostium monumenti, per custodiam diligentem cordis & sensuum.

MEDITATIO LVI.

Solitudo B. Virginis post sepulturam.

PUNCTUM PRIMUM.

REcedit à sepulchro, comitantibus Josepho & Nicodemo, atque ex itinere revisens crucem, supplex eam adorat, ut in quâ peracta fuisset redemptio olim in suo utero inchoata, & quæ suis brachijs excepisset Christum jam virum, quem infantem ipsa gestaverat : cavit autem ne vestigia cruoris sparsi ipsa aut alij calcarent. Reversa domum, gratias egit viris illis, simile quid precata. *Benedicti vos à Domino, qui fecistis misericordiam hanc cum Domino vestro, & sepelivistis.*

B. Virgo
crucem
adorat.

1. Reg.
2. 1.

PUNCTUM II.

TRansegit eam noctem, partim sola inter limbum & sepulchrum filij discurrens, partim cum Joanne, & alijs commemorans acta ejus diei, à Joanne audiens quæ super cœnam acta